


Amiyizu ye **Tughami** Pichepuani **Keshea?**



*Akumzapu Kuchouqo
Kiphi Kichekutsu*

11



Alhou ye kuchouno Pa kumlaqo pekithi puakeu lo amiyizu ye devil piche puanikeshea? Pa pelo agholumokemiqo shou aghime mighibetsu penikeu shipuani keshea? Baibel lo amiyizu ghili kuhamu ayeghiqha lo timi kutomono amiyizu ghili akhotoshi kugha acheni. Tighenguno noye okutoshi hipau ghili phujuno amiyizu kuchou ghili pimayesake. Pishiqhipeve kevalo, shikughu zuve pekevalo. Kughengu nono amiyizu ghili kiu kumsu anikeno tipauno oshou Alhou gha ikughivenanike. Asuchedo hami Akumzapu Kuchouqo Kiphi Kichekutsu ikhilulo eno nono avehu kuchou shi akeu phululo.

1

Ishi puhavekeu ghungu (soul) khijehi amiyizu lo shikighime aniepika?

“Ampeu ye ghukujuqo launo kishi akimithemiqo xaphelunikeneno ithi ani eno amikucho kumomiqo (ayikusamiqo) ye kughathabekeu tsala lono ghimevenikeu qholo qhipuani” (2 Pitor 2:9).

Khokichile: Ishi kutolo amiyizu kuha aphi, timi lothi lakhimu piti amphi. Baibel no pi akeuno, ayikusamiqo ye kughathabe keu tsala lono pesu shikighimeni aphi, momu puhavenikeu lo sala msape qhipuaphi ipi ani.

2

Ayikusamiqo ye kughou no pesu amiyizu lo vesuve nanikea?

“Titoi, hipau hiheli ashekha lo shinani. Timi Nu no Pa ghinimi kungumiqo puunani, eno Pa kukaqha lo pimi chekemiqo kumtsu pekutsu luvepe nani, khiunoqono ayezha sumono xuchenikeno kumtsu pekutsupe iqu piti akeu miphoki lo vesu pitive nani” (Mathi 13:40-42). “Ino kiu tsa piqhi puanikeno tipau pesu ashekha tsala lo pa shou kughathabe nani” (Johan 12:48).

Khokichile: Ayeghi do aghuloki kikishekha lo ashekha kughathabe keu lono ayikusamiqo pesu amiyizu lo vesuveni aphi kethono ishi thivekemtsa pesu amiyizu lo vesuvenikeu kumo. Ayeghi kishekha lo kughaki lono pa momu li kumla kughutha phukidejuno xathamphi loye Alhou ye timi lakhimu pesu adou lono amiyizu lono shikighimemo nani. Alhou ye ghikiqihimi lakhi thivekeu pesu ampe 5,000 ghime ighivea, eno ishi ghi ghikiqihimi lakhi thivekeu pesu timi tipau gholo ampe 5,000 ghimelunani keshea? Khilemu shimlae.

(Bothubo 18:25 lo phijulo).



3

Thivekemi xalumovekemiqo ye panonguye itehi khile anikea?

“Akumoki lo akemiqono Pa sutsa chiluno ithughinikeu do aghuloki ighinani- akivi mlachekemiqo ye akuxupu lo ithughinani, ikemu alhokusa kumlamiqo ye puhavenikeu lo (akipimi benikeu lo) xuthughinani” (Johan 5:28, 29). “Ayikusamiqo ye kutsakungovenikeu tsala lo sala msape qhipuanike kumo keshea? ... tishimu paye akumoki lo qhipuani, eno paye akumoki lo ngo aghini aphi” (Job 21:30, 32 KJV).

Khokichile: Baibel no hipaqa ghili mutsumishei axiala kututashi qhipuatsu ani. Xalunikemi eno xalumovenikemi kinikujo itehi kutolo panongu kumoki lo aphi. Xuchilekulu tsala ighimoke kutolo “zu aghini aphi” (Idewo kichekutsu kipi 10 lo hipau ghili phiidejulo)

4

Axine kikishekha ye kiu kishinani kea?

“Axine jume ye akithi, ikemu Alhou no agho tsukeu ye Khristo Jisu ningu Mpeu vecheono lhokta kuxupu ke” (Rommi 6:23) “Kughou axine no chhitoi venikeno akithi suighicheni” (Jems 1:15). “Alhou no Pa Nu aqhuu pesu tsukeu shou pulubeLukmi ye puhamonani, ikemu alhokuthu kuxupu ithulunani” (Johan 3:16).

Khokichile: Axine jume momu axine visavili ye akithi. Alhomi ipi akeu loye khilemu lhokta kuxupu ithulumonani. Ayikusamiqo ye “ghimeve nani” momu pithivenani. Ikemu amikuchomiqo ye alhokuthu kuxupu ithulunani.



Ningu xine lau no ningu xaphelunike ghenguno Jisu no thivetsu. Pano xachilekulu gho tsukeu ikhilumo kemiye akithi ithulunani.

5

Ayikusamigo ye amiyizu lo kiu shi ananikea?

“Amulo mutomokemigo, pulumokemigo, kuchhubekupu kumla shicheke miqo, ghikiqhimigo, kusalhamigo, tumumigo, ajalho kumllamigo, eno kimikimigo kumtsu ami eno amichu pesu pitinikeu no panongu saje shinani, eno tipauno panongu kithi akiniu shinani” (Piyekusu 21:8).



Khokichile: Ayikusamigo ye amiyizu lono pitiqhivekeu huno pano kithi akiniu shinani. Tsutsala ayikusamigo amiyizu lono piti puhavemono tishi alhokuthu piti acheuve aye tiye panongu ye thivechemokeu (immortal) shivea. Eno tiye khilemu shikumlapu. Baibel no pi akeuno Alhou likhino thivechemokeu” ipi ani (1 Timothy 6:16). Adam ngo Eve pama Eden ghutu lono hapheve, eno kungumi lakhi pelo akuxupu subo kheluvepe, tishimaye axinemiqono akuxupu xathi chuveaye “alhokuthu xucheuve nanike ghenguno” (Bothubo 3:22-24). Ayikusamigo ye tishi amiyizu lo thimono alho lo piti achenani ipi kutsu chekeuye ye Satan kukutsuke, eno tiye khilemu kuchou kumoke. Axine ayeghi lo iloghivekemtsa Alhou no akuxupu subo hu kheluve eno susholuvepe.

Baibel no pikeuno ayikusamigo ye kutsaveni ipi:

Ayikusamigo ye “pithivenani”	(Rommi 6:23);
Ayikusamigo ye “kutsavenani” ghiqhivenani	(Job 21:30);
Ayikusamigo ye “thivenani”	(Leshele 37:20)
Ayikusamigo ye “pitiqhivenani”	(Malaki 4:1);
Ayikusamigo ye “kutsavenani”	(Leshele 37:38);
Ayikusamigo ye “hauvenani”	(Leshele 37:20);
Ayikusamigo ye “ghathapeive nani”	(Leshele 37:9);
Ayikusamigo ye “ghiqhivenani”	(Leshele 62:3);
Alhou no panongu “kutsave nani”	(Leshele 145:20);
Amino panongu “chuyenani”	(Leshele 21:9).

Yehphekulu hipaqa lono mutsumisheu tsu akeuno ayikusamigo ye kutsavenani eno pithivenani. Panongu ye khilemu aghime kitikhi hitoi keu lo alhokuthu xuapemonani.



6

Amiyizu ye kughouno eno kishi pitinanikea?

“Titoi, tiqheli hipau kishekha loghi shinani. Timi Nu no Pa ghinimi kungumiyo puunani, eno panongu kughape iqu piti akeu miphoki lo vesu pitivepe nani. (Mathi 13:40-42) “Eno panonguno ayeghi chekuqha kumtsu lo wunani, eno akimithemiyo ghazu kimiye chekeu phughi hu boluvenani. Tile kungugha lo Alhou launo ami iqighieno panongu chuyenani” (Piyekusu 20:9). Tsutsala ayeghi lono amikuchomiyo thotsu lochile-shikighime aye tinguno alau mithemokemiyo eno axinemio shou shinani (Aholetsa 11:31).

Khokichile: Baibel no pi akeuno Kungugha lono akimithe phughi iqighiveke thiuno Alhou no ami piqinani (Piyekusu 21:2). Ayikusamiyo no akimithe phughi luluvenike kutoluve nani, tipau suchedo lono ami ghuqhinani, eno ami tipau pesu Baibel no amiyizu ipi ani.



7

Amiyizu ye khipahi eno tipau kushu ye kiutoinanikea?

“Ampeu tsala ye putholo kupukami lakhi toi zuleno ighinani, tile kungughaqo ye asutsa kuloghi lono iqueuvenani, eno tile thimeqo ye pitikumlavenani, ayeghi eno tipau lo kumaqo kumtsu pitipuhavenani” (2 Pitor 3:10).

Khokichile: Ayeghi hipauno khipaqhemi keno amiyizu ghi tipaqhemi shinani. Kughengu ayeghi hipauye ami lo ananike ghenguno. Ami kushu ye ayeghi pitivekulupu qhemi lo ikughinani, eno thime kumtsu pitikhave nani. Kungughaqo- atsutsuqo kuzupe akeulo thimeqo tuthu huno asutsa kuloghi lono mbale puzu iqueuvenani.



8

Ayikusamiqo ye ami lo ado khitohi kutolo piti ananikea?

“Julo, Niye itheno ighinani, I saxu ye I gholo ani, pututa kumla kiqi lono pesu tsunani” (Piyekusu 22:12). Pututa kumla kiqi lono Pano kijetsu nani (Mathi 16:27). Aqeu khiu pa mpeu kupulo ithi ani, eno pa pulou ... kiqi lono mlatsumove keno paye akihepusu kutomo pa henani, ikemu khiuno pa kupulo mthave puzu kuala mlauve aghinikeno paye akihepusu aghulo likhi kitihenani” (Luk 12:47, 48).

Khokichile: Ayikusamiqo ye ami pesu ado khitohi ghime nanikeno mtha, kughengu Baibel no tipau ghili pipuamoke ghenguno. Alhou no pi akeuye pututa kumla kiqi lono ghimenani. Tipau kiquye hamiye kutami nguno alau imepe nani, pa kumla kiqi lono.



9

Ashekha lo ami ye inheuvenani keshea?

“Julo, panongu ye aghijini toi ami no pitipuhave nani. Ami mili kuka launo panongu kutoshi panongu xaphelumonani. Pitikeu tipauye amibalu ninguno pughachekeu toimonani, momu tipau zulomu ngolumonani” (Isaya 47:14). Ino kungughaqo kithe eno ayeghi kithe lakhi ithulu, eno Alhou no panongu nhethi lono panongu nhezu isuvetsu; tilehi akithi kuhave nani, momu amuloghime shi kumsuqa keu mu shimonani. Tilehi kusukushu kuhave nani, kughengu aqau thimeqo ye kuhavenani” (Piyekusu 21:1, 4).

Khokichile: Iye. Amiyizu ye inheuve nani ipi Baibel no pi ani. Tile amibalu ninguno hiphe pugha chekeutoikeu aghimonani, momu tipau zulo ngono pughakeu shilumonani. Baibel no alau pitsu akeuno Alhou yehkipekukaqha akitheu loye aqau thimeqo ye kuhave nani amiyizu ghi suno thime kumtsu wokhavenani.

Alhou ye khilemu ayikusami axinemiqo tishi lhokta piti apemonani, kughengu Pa ye axinemi kimiyeku Lhou ke. Paye tishi panongu piti akeu shou jupukughi ngoalumonani.



10

Ami inheuvekelo thime kiuana pitikhamokeu aghinanikeshea?

“Julo, amiphoki lo toi pitinikeu tsala cheni. Aqhekuzamiqo kumtsu, iye, ayikusamiqo kumtsu aghijini toi pitivenani. Atsala tipau lono panongu pitipuhave nani. Akuhu eno aloka kumtsu pitipuhave nani ... Ino hipau shikeu tsala lo nongu pukhuno panongu pitikeu mikite shou nepukupe nani ipi Ampeu no pi ani” (Malaki 4:1, 3).

Khokichile: Ishi hipaulo hamino pulu chekeu toi panongu pitipisheveno qhivenikeu kumo, ikemu panongu ye aghijini toi qhoi pitipuhave nani, pitikhakumo michemighe toikeumu ithulumo nani. Kiumu kuhavenani, amikite shikhave nani, eno ami ghi inheuvenani.

Leshele 37:10, 20 lo pi akeuno, “ayikusamiqo ye amichhi phole qhoi pitipuhave nani.”

11

Ayikusamiqo ye aphimpi hipau xapusu amiyizu lo ilono aphimpi ngo aghungu pama kinikujo pitipuhave nanikeshea?

“O phimpi qhoi xapu amiyizu lo ilovekepu ye o phimpi lo hami shipusavekeu pavimokeshea? (Mathi 5:30). “Khiuno aghungu eno aphimpi kinikujo pesu amiyizu lono puhavekulupu kuka anikeno Pa msalo” (Mathi 10:28). “Axine shivekeu ghungu ye pithivenani” (Ezekel 18:20).

Khokichile: Iye. Timiqo ye panongu phimpi axuagha hipau xapuno amiyizu lono aphimpi eno aghungu kinikujo pitipuhave nani. Ami tipau ye kungugha lono Alhou launo kuchouno xu akemi timiqo shou qhughipuku nani eno panongu chuyenani”





12

Satan khiu vilo devil ipi kuchekeuno amiyizu peitha nanikeshea?

“Devil khiu vilo Satan ipi kuchekeu, khiu panongu pishiqhi chekeu hu kughape amiyizu (lake of fire) lo vesuvenani” (Piyekusu 20:10). “O ithulu chekemi kumtsu nhekithe lono lno o kughapesu ayeghi shou ayevu kughulhove nani ... noye alhokuthu kuhave nani” (Ezekel 28:18, 19).

Khokichile: Qhoi shipuhavenani. Devil (Satan) ipichekeu hu pesu ami lo vesu pitive nani, eno paye ayevu shivenani.

13

Baibel lo amiyizu (hell) ipi akeuye alho lo pitiqhi eno ghimeqhi achenikeu pi anikeshea?

Kumoe. Atsa amiyizu (hell) ipi akeuye KJV. Baibel lo ghuthu 54 tsupuanani. Tipaqo gholo 12 ye pitilenike-a ipi ani. Hipaqo aghola kutau kutomo lo pebidesu puani. Hi aqhou julo:

PULOSHOQHI AQAU LO

ghuthu 31 ye “sheol” akumoki (grave) ipi pebide puani;

PULOSHOQHI AKITHEU LO

ghuthu 10 ye “hades” akumoki ipi pebide puani.

ghuthu 12 no “gehenna” pitileve chekeu-a.

eno ghuthu lakhi no “tartarus” zuchiyikeu-a ipi pebide puani.

Hi ithilo: Gehenna ipikeu ye Ibrimimi tsa lo “Gehinnom” ipi. Tipau kiqi ye Hinnom khilaqa ipi. Akhilaqa hipauye Jerusalem lono kulola apeu ani. A-a hipau lono akithi sukumoqo pitile eno xinexigheqo pitive cheni. Ishi ninguno pitivenikeu a lakhi mlape qhieno xinexigheqo xukutsupe pitileve chekeu toi, a-a tipau loghi shicheke. Ashekha tsala lo puhavekemio pekutsupe pitilevenikeu- a pesu Baibel no Gehenna momu Hinnom khilaqa kiqitsuke. Tsutsala Gehenna lo piti akeu mi tipau ye alho lo pitileve chekeu-a Hinnom khilaqa lo ghi itehi kutolo ami inheumono tishi pitile aghini cheke. Ikemu Baibel loye tipau pesu kiqipiyetsuke ke.

14

Amiyizu ipi akeu lo Alhou wu kuchou kupughu eno kimiji ye kiukea?

“Nongu ghushovekemiyo, I launo wuvelo, Satan (devil) eno pa ghinimiqo ghenguno kutopuakeu ashekha kuha pitinikeu miyizu lo ilovelu” (Mathi 25:41). “Akuxupu kaku lo ajeh yehpuku puaghikeu phumlave kemiyo ye pesu amiyizu (lake of fire) lo vesuvenani” (Piyekusu 20:15). “Ado kitila thiu ayikusamiyo ye kuhavenani ... Ampeu ghumiyo ye amichhi lono puhavenani” (Leshele 37:10, 20).

Khokichile: Alhou kupughu eno kimiji ye amiyizu lono tughami eno pa ghinimiqo eno axinemiyo kumtsu shipuhavenu ayeghiqha hipau pesu lhokta ililai keu lo qhivenikeu kimijike. Axine tachu kitila likhimo shipuhamono qhivenikeloye tipau no itaghi kungu-yeghiqha kitixevenosake ghenguno amiyizu lono qhoi kutsavenikeuno Pa kimiji ke.



Lhokta miyizu (hell) tishi lhokta piti anikeloye axine ghi alhokuthu tishi acheuvenani

Amiyizu lono lhokta shikighime chenikeloye axine ghi haumono tishi lhokta lo acheuvenani, eno tipau shipuhalunikeu ighono kushokutsu shivenani.

Lhokta miyizu lono lhokta shikighimeqhi piti achenikeuye Alhou no xachilekulu kupughu shipuakeu lo kuha. Hitoikeu kumsuphepe qhikeu ye kimiyekiniu Lhou Kimithe jeh ghochilekeu lakhike. Satan no hitoi ninguno kimiyecheku Lhou pesu aghakighide raigos lakhi shitsunishi acheni.

Lhokta miyizu (hell) ipikeu ye Baibel lo ithumla


“Lhokta pitiqhi achenikeu miyizu” ye Baibel bolho kumo, ikemu hipauye tughami kichekutsu qholono saphepimi chekemino iqiphe eno kumsuphe keuke. Ninguno amiyizu msacheni, msakeu lono ningu xalunike kumo. Ikemu Alhou kikimiye lono ningu xalunanike.

15


Xamlavekemiqo kutsavenikeu ye Alhou lhoayeh lo kuhake kumokeshea?

“Ino xu achekeu toi, ipi Ampeu no pi; Niye ayikusamiqo pithivenikeu ye l kupulo kumoke. Ikemu ayikusamiqo pelo pano kumla lhokusa laghi launo xaide ighiveno xu apenishi. Nongu laghi lhokusaqo launo xaide eno xatsughu ighivelo. Noye kiu shianiepi tileno thi anikea? (Ezekel 33:11). “Timi Nu ye timi kuxu kutsavetsunike ghenguno ighike kumoe, ikemu panongu xaphelunike ghenguno ighike” (Luk 9:56) “Ampeu no puthugho nani ... eno Pa kumla mlanani, Pa kumla ye kumsapu, Pano Pa kumla tipau shikupunani, Akumla tipau ye Pano thosulo mlachemokeu kumla ke” (Isaya 28:21).

Khokichile: Iye. Ampeu Alhou kumla ye kutsavenike ghenguno kumo, ikemu alhokuthu ghenguno xaphelunike mla acheni. Ayikusamiqo pesu lhokta pitinikeu ye Alhou lhoayeh lo kuha, eno Baibel no tipau pesu “thosulo Pano mlachemokeu kumla” ipi. Ayikusamiqo pesu amiyizu lono ghimenikeu ye Alhou mulo ghime kije. Pa ye panongu kumtsu xalunike ghenguno mla acheni. Ikemu khiuno Pa kikimiye tuchiletsu puzu axine mughodaluvekeno Alhou ye axine tipau kunguyeghi launo shikimitheve mayesakepu shive. Ashekha tsala loye axine hipau amiyizu lono qhoi shikimitheve nani.



ALHOU YE
KIMIYE KINI
KUMO KEA?



Alhou ye Pa Nu no khiunoqo xalunike thivetsukeno tipaqo kutsavenikeu lo Pa mulo ghime kije shivenani.

16

Alhou ye ayeghi eno Pa w timiqo ghenguno amiyizu pesu kiu shivenike pughu anikea?

“Pano tipau pesu qhoi kishekhave nani. Shikighimekeu akiniu khilemu ideipeghipemo nani” (Nahum 1:9). “Ino kungughaqo kithe eno ayeghi kithe lakhi mlanani, eno thime aqaqo ye khilemu akukumsu lomu ighipemonani” (Isaya 65:17). “Julo, Alhou chinehki ye timiqo gholo achenani, eno Pano panongu gholo achenani, eno panongu pesu Pa wu timiqo shivenani. Alhou no Pakutoshi panongu gholo achenani eno panongu Lhou shivenani. Eno Alhou no panongu nhethi lono panongu nhezu isuvetsunani, tilehi akithi ipikeu ye kuhavenani, amulo kusa momu muloqakeu kuhave nani, eno tilehi ye kushukuqha kuhavenani” (Piyekusu 21:3, 4).



Khokichile: Amiyizu kuhaveke thiu, Alhou no ayeghi kithe lakhi mlanani eno axine iloghimphi zuu Eden jukighilepushi eno ajukuvu no chhitoi aceheku hu luchilepe Pa wu timiqo tsunani. Tilehi kushukuqha, akithi, aghichhe aghime, ahakusapu, anhezukupiji, kusukini, aloshipusukeu, amulo kusa, eno axinego kumtsu alhokuthu lo kuhavenani.



Tilehi axine ipikeu ye khilemu ideithughimonani

Tilehi axine ipikeuye khilemu ideithughipemo nani ipi Alhou no piqhipuani. Pa wu timiqo ye alokughuno, kikimiye, alokivi, eno amuloki qihuno chhitoi eno tokhoikeulo achenani. Panongu lokivi ye ighono chhitoi eno timi tsa loye piphekumlapu jukuvu lo achenani. Panongu kungugha vezuve kemiqo ye Amiyizu lo aghimekitikhi lono pitiqhivenani. Tiye panonguno panongu kuxu kupuju lono kisheluke. Panonguno ajehiki akughushu kukaqha lo ilonikeu kishelumovekeu ghenguno amulokusapu lakhi shive.

17

Alhou ye ayikusamiqo pelo amiyizu lo lhokta shikighime monani ipikeu ghenguno shikimithikeu tsunishi nima?

Nono khochilenikeu:

Nono Iniju Keu Khochiletsu Ani

1. Lhokta ghime nani ipi Baibel no pipuanike kumokeshea?

Khokichile: Kumoe. "Lhokta ghime nani" ipikeu tsa Baibel lo tsuamoe.

2. Ike tishi aye Baibel ye kushiye ghapinhlakeu mi pesu ayikusamiqo ghimenaniepi kea?

Khokichile: Ghapinhlakeu mi ipi akeuye kughou pitithuvenikeno khilemu ghapinhelumo nani, ikemu kughou thime kumtsu pitipe ayevu kughulhovenikeno tipau mtsa inheuve nani. **Jeremiya 17:27** lo piakeuno Jerusalem ye ghapinhlakeu mi pesu kutsave, eno **2 Yekikithi 36:19-21 lo** Baibel no piakeuno ami pesu aphughi pitivekeuye "Jeremiya kichi vechewono Ampeu no pikeutsa shikupuve, eno tipau pesu kungukughalei qhivetsu. Tishi aghiepinamu ami tipau ye inheuvea. Kughengu Jerusalem ye ishi kutolo piti amoke ghenguno.

3. Tishi aye kushiye **Mathi 25:46 lo ayikusami ye "ashekhakuhakeu ghime" ithulunani ipikea?**

Khokichile: Aghime ipiakeu tsa ithilo, shikighime anani ipiamoe. Shikighime ani ipi aye tiye tamono gghime anike, ikemu aghime ipi akeu tiye akumlake. Ayikusamiqo ghimenikeu ye akithi ke, eno ti akithi huno ashekhakuhakeu kithike.

4. Noye **Mathi 10:28 lo aphimpi ghiqhiluvenikemi ye msakelo ikemu aghungu (soul) ghiqhiluvenikemi msalo ipikeu hephope I Piyekusulananima?**

Khokichile: Baibel lo aghungu (soul) ipi akeu akiqi kuthu ani: (1) Akuxu ku-a lhoxu, **Bothubo 2:7**- (2) amulo (mind), **Leshele 139:14**- (3) eno akuxu, **1 Samuel 18:1; Mathi 10:28** loghi soul pesu lhokta kuxu Alhou no tipau ikhilukemi tsunikeushi piqhi puani. Khionomu hipau ikhisuue mlanani.

5. **Mathi 25:41 lo "ayikusami ye alhomi lono pitinani" ipikeu mi ye inheuve nanikeshea?**

Khokichile: Iye. Baibel kiqi lo, tipauye inheuvenani. Baibel pelo hipau ghili hephopiesupelo. Sodom eno Gomorrah ye alhomi momu lhokta mi pesu pitive (**Judea 1:7**) ami tipauno panongu pitipe ayevu kughulhove, eno tipau huno athiu mithemuzu mono xuchekemi lau kutughutsukeu lakhi shi kiche piyesutsu ani" (**2 Pitor 2:6**). Aphughi tipaqo ye ishi kutolo piti anike kumo. Thime kumtsu pitikhave, eno inheuve. Titio alhomi ghi ayikusamiqo pitipe ayevu kughulhove nani eno inheuve nani (**Malaki 4:3**). Alhomi no kiu pitiveakeno tiye alhokuthu ghenguno pitiveake thono tishi alhokuthu piti anikeu kumoke.

6. **Luk 16:19-31 lo akiniu eno Lazarus pama khisa lo alhomi pesu ghimenikeu pipuanike kumokeshea?**

Khokichile: Kumoe. Hipauye Jisu no aghungu lo kipi kimighi Piyekusukeu lakhike. Tipau ye ajo 31 lono mutsuqhei pipuani. Kimighi Piyesukeu khisaqo ye pesu atho lo peitha mla. Tishimaye ningu ye asuboqo ghi atsa picheni ipi puluuvnenani (**Xakuthami 9:8-15 lo phjulo**) Hi aqhouno **Luk 16:19-31** ye mutsuqhei ahole tsa momu kimighi Piyesukeu tsake ipi kimichitsu ani.

- A. Abraham mla ye kungugha kumo (**Ibrimi 11:8-10, 16**).
- B. Timi amiyizu lo akemi ye kungugha lo akemi sasuu kuputsa mla (**Isaya 65:17**).



- C. Kithimi ye pano kumoki lo ani (**Job 17:13; Johan 5:28, 29**). Hipau lo kinimi huye aphimpi pu ani, anhethi eno amili eno kutauqo kumtsu puani, eno Baibel no pikeu toi ninguno ithi akeuye timi ye thive kemtsa aphimpi xapusu amiyizu lo ilomlanani, ikemu akumoki lo anani.
- D. Khristo no ide ighikelono ajume momu asaxu tsuniaphi (**Piyekusu 22:12**).
- E. Ayeghi kikishekha lono puhavenikemiyo pesu amiyizu lo vesuvenani-momu ami pesu pitive nani, ikethono panongu ye thivekemtsa pitithuvenikeu kumoke (**Mathi 13:40-42**).

7. Ikemu Baibel lo pi akeuye ayikusamiyo ye pulhapuju piti anani ipi anike kumokeshea?


Khokichile: Pulhapuju (forever) ipikeu tsa KJV Baibel lo ghuthu 56 tsupuakeuye thime kumtsu pitikhave momu kishekhave nani ipi tsupuanani. Kimihi (concordance) lo pulhapuju (ever) ipikeu tsa lo julo. Hipauye chuqumughai (tall) ipikeu toikeu, khikhi timiyo, asubogo eno naghutoyo pesu kimighi piyesutsukeu toikeuke.

Jona 2:6 lo pucho kuthu putho kuthu pesu pulhapuju (forever) ipi kiquitsu ani. **Zahkinu 23:3 lo** hipau pesu tiqheli 10 ipi ani. Timi kuxu tsa lo pinikeuye hipau kiquye pano xu akeutolo momu pano thimphi kutolo ipinani (**1 Samuel 1:22, 28; Ipekulu 21:6; Leshele 48:14; loghi julo**) Tighenguno ami pesu ayikusami pitinikeu ye pa pitipuhakhampi kutolo pitinikeu pi anike. Axine ghenguno kumsapu ghime hipau lo pututa kumla kiqui lono pitinani. Pititave kemtsa ami ghi inheuve nani. Baibel lo kuhakeu kukutsu hitoikeu kutsukeu lono timiyo shikumsape Alhovu pulumovekeu lo ilove chenipeke. Hitoikeu kukutsu huno Apuh kungugha lo kua u ghushoghili shikimkhevetsu ani, eno Khristomiyo kupulu lo kumsapu shivetsu ani.

Hilehi okumtsu eno injuakeu pitsulou



01



02



03



04



05



06



07



08



09



10



11



12



13



14

Akiphi hipau ghi akiphi kichekutsu 14 gholo kakhi ke.

Akiphi kumtsu lo akumzapu kuchouqo, khipauno o kuxu eno no kibolomiqo kuxu pekilivetsu kulupu ani eno tipauno nongu sasu lhokta jajupu lo ighikulupu ani. Akiphiqo gholo lakhimu vezuvekeu shikevilo.

- Akiphi kichekutsu 01:** Tile nono pulubekulupu kiuana qhiveakeshea?
- Akiphi kichekutsu 02:** Alhou ye Tughami Ihosukeshea?
- Akiphi kichekutsu 03:** Akithi laono xapheluve
- Akiphi kichekutsu 04:** Tsutsu yeghiqha dolo Aphughi kije
- Akiphi kichekutsu 05:** Alokivi kulakupu tsapi
- Akiphi kichekutsu 06:** Atulaphaqo shou yehpukutsu
- Akiphi kichekutsu 07:** Xu-lhe lo atsala lakhi puhavekeu
- Akiphi kichekutsu 08:** Qhoi xapheluve -Jisu Khristo ideighini keu
- Akiphi kichekutsu 09:** Akutsughu eno Akuka
- Akiphi kichekutsu 10:** Kithimi ye kuchouno thiveakeshea?
- Akiphi kichekutsu 11:** Amiyizu ye Tughami pichepuani keshea?
- Akiphi kichekutsu 12:** Alokughuno mpe 1,000
- Akiphi kichekutsu 13:** Alhou no ashiahji kivi kupughu shitsu
- Akiphi kichekutsu 14:** Aghokulu ye ayezza lakhi shiveakeshea?

Kughou no no atughiu Akiphi Kichekutsu-u 14 pihqhive nikeno itaghi niu mlakiphe akiyeh lono khulo:
Amazing Facts India, Post Box No 51, Banjara Hills, Hyderabad-500034

Kimiyepu Summary Sheet hipau kishekha mphu zuwuno akiphi phijulou. Khokichile kumtsu akiphi kichekutsu lono ithulunani. Chejuno achipiu khokichile lo sutsulo. **Akikihi parentheses lo piyepuakeu (1) no khokichile achipiu ke.**

Form tipau pichivenikeu ghenguno kimiye pu “[Adobe Reader](#)” peithalo.

1) Axinemiyo ye pesu amiyizu lo vesuve nani (1)

Panonguno thivekemtsa
Ayeghi kishekha lono
Satan pelo vesuvepe nani

2) Axinemiqono amiyizu lono asaxu aghime ithulunikeuye (1)

Akithi
Lhokta ghime
Satan no panongu shikighimenikeu pithanani

3) Amiyizu (1)

Ye Alhou no ami pesu ayeghiqha pitivenikeu
Ye itehi piti ani
Ye ashekha kuha piti anani

4) Axinemi thivekemiyo ye (1)

Amulopebidenikeu a (purgatory) lo anani
Amiyizu lo anani
Panongu kumoki lo anani

5) Ishi amiyizu lo timiqo kikihhi ye (1)

Abokumsa
Akikihi asale ani
Kiqiphe mla

6) Amiyizu (1)

Ye ayikusamiyo phimpi likhi kutsalunani
Ye ashekha kuha ayikusamiyo kuxu (soul) ghimenani
Ye puhavekemiyo akuxu (soul) eno aphimpi kinikujo pitipe ayevu kughulhove nani eno inheunenani

7) Alhomi (eternal fire) pesu shikighimenikeu (1)

Ye Alhou kupughu lo akhoto lakhi
Ye devil kukutsuke eno khiu Alhou kimithe eno kikimiye eno timiqo ghime ju Pa mulo qimlano akeu jeh piputhatsu keuke Lhokta lo akumla lakhi pesu Satan tsukeuke

8) Baibel lo “amiyizu (hell) ipikeu ye (1)

Alhokuthu piti anikeu a lakhi ke ipi ani
Akiqi hami akeu gholo lakhi ye “akumoki” ipi ani.
Ayeghiqhou Satan wu ghimechekeu chebo ghi picheni

9) Amiyizu kutopuakeu kimiji ye (1)

Alhou ghinimiqo jume lochilenikeu
Timiqo kichiqhipe akumla kivi shiuevenikeu
Kunguyeghiqha lo axine eno alhokusa qhoi shupuhaveno amikucho miyo pelo lhokta ililai xu achepenikeu kimijike

10) Amiyizu lono timiqo kutsave akeu ye (1)

Kungugha Lhou zukuvuke
Alhouno thosulo mlachemokeu kumla ipicheni, kughengu hitoikeu kumla ye Pano timi xalunikeu kupughu lo kuhake ghenguno
Devil no Alhou kupughu gholo kuqhano mla akeuke ipi nani

11) Amiyizu inheveke thiu (1)

Alhou no Satan hape aqha (space) lo puuvenani

Alhou no ayeghi thime tokhoikeu mlanani, tile axine akiniu ide ipeghimlonani eno tipau pesu Pa wu timiqo tsuvenani
Amikuchoqiqo ye itaghi tilehi axine ipeghinikeu msanani

12) Akiniu eno Lazarus pama khisa ye (1)

Kimighi piyesukeu kethono atho kumoke Alhokuthu lo ghime achenikeu kukutsu Baibel no phuphetsu ani

Aghungu amiyizu lo akemi ghi aghungu kungugha lo akemi sasu kusutsalu nani ipi phuphetsu ani

13) Baibel no "pulhapuju" ipi akeuye timi no xu ake dolo ipi akeu (1)

Kiqi ye "ashekha kuhakeu do" ipi ani
Kiqi ye tuqhou vethailo tomlakeu pi ani
Kiqi ye thosu lo pichekeu toi "timino xu ake dolo" momu "pano thimphi dolo" pi ani.

14) Alhou ye amiyizu lono lhokta ayikusamiqo pitimonani ipikeu ghili philuvekeu ghenguno shikimithi keu tsunishi anima?

lye Moe

Kungu inju puakeqo achipilo khochile tsulo!



Tilehi kihisuvani keghenguno oje, email eno thepiu kikihi sulou.

Owu akiphi kichekutsu KUMUSA no ithuluni keghenguno "Sulou" lo inalo.

Oje :	<input type="text"/>		
Owu Email :	<input type="text"/>		
Thepiu kikihi :	<input type="text"/>		
Okungo-a :	<input type="text"/>		
Aphugui, District :	State :	Aghaqhu :	<input type="text"/>
Pin :	Apunu mpe amqo:	Gender :	<input type="text"/>

Anile shi no kusutsa nikeu tipau tsulou